

غزوة الخندق .. الحلقة (81) .. #لماذا_محمد ﷺ .. د . حازم

شومان

حازم شومان

وربنا السلام عليكم ورحمة الله وبركاته. الحمد لله حمدا كثيرا. طيبا مباركا فيه كما يحب ربنا ويرضى حمدا ملاء السماوات وملاء الارض. وملاء ما بينهما وملاء ما شاء ربنا من شيء بعد. اللهم لك الحمد كله ولك الملك كله. وببيدك الخير كله واليك يرجع الامر كله. اللهم صل - 00:00:00

على محمد وعلى ال محمد كما صليت على ابراهيم وعلى ال ابراهيم انك حميد مجيد. اللهم بارك على محمد وعلى ال محمد كما باركت على ابراهيم وعلى ال ابراهيم انك حميد مجيد. اللهم اجعل عملنا كله صالحا. اللهم اجعله لوجهك خالصا. اللهم لا تجعل لاحد - 00:00:30

فيه شيئا ثم اما بعد اخواني واخواتي في الله. النهاردة ان شاء الله مع الغزوة الثالثة من الغزوات الكبرى للرسول في المدينة باذن الله مع غزوة من اخطر الغزوات ان لم تكن اخطر الغزوات. غزوة بتعرفنا الدين ده قام ازاى؟ الدين ده قام على تضحيات شكلها ايه؟ احنا الوقتي في شوال خمسة هجرية. الله - 00:00:50

هي مش احد كان في شوال هي كمان؟ ايوه يا جماعة. لان مشركي قريش اقسمو ان كل سنة في نفس المعاد هيجيبوا جيش وييجوا يحاربوا رسول الله، صلى الله عليه وسلم - 00:01:10

بعد فاجعة احد كل العرب طمعوا في الاسلام. كل العرب طمعوا انهم يغدروا بالاسلام. صدرت حركات غدر رهيبه. رهيبه بالمسلمين. حركة غدر واحدة اتقتل فيها سبعين مسلم في يوم واحد. جت قبائل يا رسول الله ابعت معنا ناس من اصحابك يعلمونا. بعت سبعين واحد من علماء الاسلام قتلوهم في يوم واحد - 00:01:20

غدرا وخيانة في فاجعة بئر معونة في حركة غدر ثانية اتقتل عشر مسلمين في يوم واحد. دي قبائل برضو بعت معنا ناس من اصحابك تعلمهم يا رسول الله بيركزوا على العلماء لان العلماء هم سر قوة الامة. بيعت عشرة من اصحابه يقتلوهم في يوم واحد. في فاجعة يوم الرجيع - 00:01:40

العشرة من علماء ودعاة الاسلام. كده تمانين عالم من علماء الاسلام اتقتلوا من بعد احد. في حركة غدر تالته يحاول يهود بني النضير. انهم يقتلوا رسول الله القاء حجر ضخيم على رأسه تحت بيته يقولوا قضاء وقدر. اليهود عيخانونا. والعرب طمعوا فينا. والقبائل ومشركي قريش والمنافقين - 00:02:00

لكل طموح في الاسلام. ومع ذلك ولا يوم واحد حركة الجهاد بطلت. ولا الغزوات ولا السرايا. الرسول عليه الصلاة والسلام بعد فاجعة احد باربعة وعشرين ساعة يخرج مع الجيش الاسلامي في غزوة حمراء الاسد. المشركين خلاص اشتدوا الرعب بتاعهم. رغم ان هم رغم بعد غزوة احد برضو اشتدوا رعبهم - 00:02:20

المسلمين ما بيستسلموش. قتلنا منهم سبعين واحد في ساعة واحدة. في ساعة واحدة يوم احد خرجوا يطاردوننا. بقى منظرننا مضحك قدام العرب. احنا الجيش وبنفر وبنهرب. المسلمين ما بيستسلموش. سبعين عالم من علمائهم اتقتلوا في حركة خيانة. من حلفائنا. ومع ذلك ما في هو محمد ايه - 00:02:40

محمد مش بشر نحاول نقتله ويكمل. نقتل اصحابه ويكمل سبات الرسول. كان شيء مذهل بالنسبة للعرب كلهم. قريش وصلت ان

خلاص ما ما فيش فايده ولا ايه ؟ لازم ضربة قاضية. لازم حل ساحق. لازم ضربة الاسلام ما يقدرش يقوم بعدها. في نفس الوقت كان اليهود بيحبوا يراقبوا الوضع. التطورات مرعبة - 00:03:00

ما فيش هزيمة بتأسر في محمد ابن عبدالله. ما فيش خيانة بتأسر فيه. ما بيتأسروش. لو فضلوا كده سنتين هيجيبوا يسحقونا في خيبر بعد سنتين لازم ضربة قاضية. لازم حل ساحق وتتفق احلاف الكفر. ويطلع مبعوث يهودي من خيبر يسافر ستمية كيلو. لغاية ما يوصل لمكة - 00:03:20

ويهيجهم على حرب الرسول. وبعد كده يطلع وفد من مكة مع المبعوث اليهودي ستميت كيلو. لقبيلة غطفان اللي من اكبر قبائل العرب. يهيجوهم على في حرب رسول الله ويحصل اجتماع قمة ما بين قريش واحلافها وغطفان واحلفها واليهود ويقرروا انهم يغزوا المدينة في - 00:03:40

جزيرة العرب عمرها ما سمعت عن العدد بتاعه قبل كده. قريش واحلف هيجوا من الجنوب باربع تلاف مقاتل. وخطفان واحلفها هيجوا من الشمال بست الاف مقاتل عشان يطحنوا المدينة ما بين اللاتين. الرسول عليه الصلاة والسلام كان راجع من غزوة بني المصطلق. كنا في رمضان يا جماعة او في اول شوال يجي له الاخبار - 00:04:00

اخبار مرعبة عشر تلاف واحد. جايين يغزوا المدينة يا رسول الله. ليه هيجاربوا الروم؟ ليه هيجاربوا الجزيرة كلها؟ يعقد الرسول اجتماع مشورة فوري. ما فيش المعركة بقت معركة وقت هنعمل ايه ؟ هنعمل ايه ؟ ده احنا لسة راجعين من بني المصطلق مجهدين ومرهقين. هنعمل ايه ؟ ده المدينة ما عادش فيها بيت - 00:04:20

ما فيش فيه شهيد بل فيه بعض البيوت كل الرجالة اللي فيها ماتوا هنعمل ايه ؟ ده من يوم احد لغاية دلوقتي مية وستين بيت اقيم. مية وستين امرأة اترملت - 00:04:40

مئات الاطفال اتيتموا من شهداء من بعد احد. لغاية دلوقتي هنعمل ايه؟ هنعمل ايه بعد احد والهزيمة والفاجعة اللي حصلت فيها. وبعد الخيانات بتاعة بئر معونة والرجيع. اللي اسرت تأسير بالغ في نفسية الصحابة. هنعمل ايه في العدد الرهيب ده ؟ دول جايين يبيدوننا. مش جايين يحاربونا زي بدر واحد. العدد - 00:04:50

ده هيواجه ازاي ويشير سلمان الفارسي انهم يعملوا لاول مرة في تاريخ الجزيرة العربية. خندق حوالين المدينة المنورة. حفرة ضخمة جدا لما ييجي الجيوش مهما كان عددها ما تعرفش ان هي تعديها. ويقرر رسول الله صلى الله عليه وسلم الحل ده. ويبدأ الرسول في التنفيذ فوراً. ويصدر الرسول اوامره - 00:05:10

كل مجموعة من الصحابة تنقسم على مجموعة من الامتار عشان يحفروها. النساء والاطفال في حصن محصنة جوة المدينة. يتحطوا فيها الشغل بقى ليل نهار. على بعض الاقوال ان الخندق خد ثلاثين يوم في الحفر. لو كده يا جماعة يبقى الحفر بدأ في رمضان. والناس صايمة لان الغزوة كانت في شوال - 00:05:30

الخندق حفروا خندق يغطي شمال المدينة كلها. بعرض او بطول خمس تلاف وخمسميت متر. والعرض بتاعه اربعة ونص متر. والارتفاع ثلاثة ونص متر حفرة رهيبة. مساحة التراب اللي اتشال ستة وثمانين الف متر مكعب. تخيلوا الصحابة عملوا ايه؟ السعودية في العصر الحديس حاولت ترصف - 00:05:49

الطريق للخندق ترصف الطريق الوعر ده. فيه شركات معداتها اتكسرت. والشركة اللي رصفته خدت ثلاثين يوم فيه. كان ممكن جبريل ينزل بجناح واحد من جناحاته يحفر الخندق ده ولكن ربنا يريد ان هو يخلينا نخوض هذه التجارب عشان الامة كلها تتعلم من رسول الله صلى الله عليه وسلم - 00:06:09

الرسول يقف وهو عنده تمانية وخمسين سنة يشيل التراب مع الصحابة جسمه اتغرق تراب. بطنه اتغطت بالتراب. الصحابة لما يشوفوا النبي حماسهم يشتعل بيجرخرج بعد الفجر يلاقهم الدنيا تلج وقاعدين يحفروا وهيموتوا من الجوع. النبي عليه الصلاة والسلام يهتف اللهم لا عيش الا عيش الآخرة - 00:06:29

فاغفر للانصار والمهاجرة. اول ما يسمعو الكلام ده من باب الحماس يشتعل. يقعدوا يحفروا وهم بينشدوا. نحن الذين بايعوا محمدا

على الجهاد ما بقينا ابدًا. ويفضلوا ينشدوها طول الحفر وطول نقل التراب. النبي عليه الصلاة والسلام وهو بيحفر معهم وهو معه -

[00:06:49](#)

ينشد قول ابن رواحة يا رب لولا انت ما اهتدينا ولا تصدقنا ولا صلينا فانزلنا سكينه علينا وثبت الاقدام ان لاقينا. ايه ده يا جماعة! هم يا جماعة في حفلة وفرح ولا في مجزرة وحرب! تخيلوا الروح الرهيبة! الغني بيحفر جنب الفقير! السيد - [00:07:09](#)

بيحفر جنب جنب المولى الكل بيحفر بحماس رهيب. رهيب رغم ان الجو كان جوع. كان جوع رهيب يا جماعة في صحيح البخاري. كان الاكل بتاعهم شوية يتحط عليه زيت. زيت يعني خلاص تغير. زيت خلاص هيفسد. لدرجة ان الصحابي في صحيح البخاري يقول كان له ريح منتن - [00:07:29](#)

وكان طعمه بشع في الحلق بيقول كده في صحيح البخاري. طعمه بشع. بشع في الحلق لا ريحته تطاق ولا طعمه يبطاء. كل واحد ياخذ باله كفة ايده وشوية ومش هيلاقوه اصلا. كان تلج رهيب لدرجة تلج المدينة اللي جرب تلج المدينة ممكن يطير العقل. من كتر التلج بتاعه وما كانش عندهم - [00:07:49](#)

عبيط زي مكة يحفروا معهم. وكان كل سلاحهم الفقوس بس كان فيه روح رهيبة. الرسول عليه الصلاة والسلام كان باث فيهم روح رهيبة. يا جماعة كان تحت الخوف الرهيب. كل شوية مكة قربت. غطفان جاية. مكة بتلف من حوالين المدينة وهتدخل من الشمال خلاص. يا ابطال يا اصحاب رسول الله - [00:08:09](#)

خلصوا ستة وتمانين الف متر مكعب في حوالي عشرين يوم. خلاص لأ ده لسة خندق ثاني. يغطي جنوب المدينة خلاص؟ لأ ده لسة خندق ثالث حوالين المسجد النبوي عشان يحميه. مش خندق واحد يا جماعة ثلاث خنادق. ابطال يا اصحاب محمد. يلا صبرتم معه في الشعب لغاية ما كتلتوا جلد البعير - [00:08:29](#)

الميت يا اللي صبرتم معه في بدر لغاية ما حاربتم العرب. يا اللي صبرتم معه في حمراء الاسد وانتم متقطعين بالسيوف. يا اللي صبرتم معه في الاحزاب لغاية ما ربطتم الحجر على بعض - [00:08:49](#)

كل ده يا جماعة وابن سلول كان قبلها يصلي جنب ابو بكر وعمر في الصف الاول. ويخرج يطعن في عرض السيدة عائشة. كانوا لسة خارجين من حادثة افكوا اعصابهم متحطمة بسبب حادثة الافك. اليهود بيحاربوكم حرب ساحقة. والمنافقين بيحاربوكم حرب رهيبة. والمشركين بيحاربوكم حرب رهيبة - [00:08:59](#)

يا جبال يا جبال يا اصحاب رسول الله صلى الله عليه وسلم. وانتم واقفين تدافعوا عن الدين لوحدهم. وتواجهوا الحروب دي كلها في وقت واحد. ياه الحفر ما كانش سهل يا جماعة - [00:09:19](#)

ما كانش شوية رمل بيثيلوهم. لأ يا جماعة ده في مرة من المرات وهم بيحفروا يلاقوا صخرة رهيبة. الفقوس تتكسر عليها في بعض الصخور. لو قنبلة انفجرت فيها ما تفجرهاش. الصحابة بقى لهم ثلاث ايام ما كلوش يروحوا للنبي نعمل ايه يا رسول الله؟ الرسول عليه الصلاة والسلام كان رابط على بطنه الحجر من الجوع في صحيح البخاري. بقى له اتنين - [00:09:32](#)

وسبعين ساعة ما داقش غير الماية. ينزل الرسول بطنه مربوط عليها الحجر من الجوع. جنبه مخطط فيه الحصير من الزهد. جسمه عليه التراب من الحفر رجله متفترقة وورمة ومتشققة من القيام. ومعجزة قدام الف مقاتل مسلم تتم لرسول الله يمسك الفأس ويهتف باسم الله - [00:09:52](#)

ويضرب اول تلت في الصخرة. الصحابة زهلوا. ده مش اتكسر ده بقى تراب بقى رمل. كتيب اهيل. الصحابة بصهم والنبي هتف الله اكبر اعطيت مفاتيح الشام. النبي يمسك الفأس ويهتف باسم الله. يضرب الثانية تبقى تراب. الله اكبر. اعطيت مفاتيح - [00:10:12](#)

الفرس يمسك ويضرب الثالثة. الله اكبر اعطيت مفاتيح اليمن. الصحابة وقفوا مذهولين. دي مش قدرة محمد. دي قدرة الله الله معنا. اذا كان الله معنا فمن علينا؟ ما فيش بشر في التاريخ. يقدر يمسك فأس ويضرب عمود خرسانة يخليه تراب. يا جماعة - [00:10:32](#) قدرة الله. مين اللي يقدر يحول صخور الجبال لكثير مهيل؟ وكانت الجبال كتييا مهيل. نفس اللفظ اللي الصحابي قال عليه اتحولت له الصخرة في صحيح البخاري. ده قدرة الله ربنا معنا. يا جماعة الرسول علم الصحابة الامل. علمهم مواجهة كل صخرة في حياتهم -

بقدره الله. احنا اقوياء. لما خط بارليف اليهود قالوا ما يحطموش غير قنبلة ذرية. ربنا حطمه بالمية اضعف حاجة. يا جماعة احنا سيدنا ابراهيم لما قام قومه لله غير تاريخ الارض. السيدة هاجر لما قامت وسعد بين الصفا والمروة. غيرت تاريخ الجزيرة العربية قم.

ما تعرفش - 00:11:12

شؤمتك هتعمل ايه ؟ اوعى تقول احنا ضعاف. ده الحصى حارب معنا. في غزوة بدر اول امبارح. لما النبي رماه وبقي قنابل زكية. بتيجي في عيون الكفار مش في عيون المسلمين. قوموا يا جماعة. ربنا وانا المعجزات. امتي ؟ لما ضحينا بكل شيء عشان ربنا.

سبحانه وتعالى - 00:11:32

الله معنا. سيدنا جابر يشوف النبي والحجر مربوط على بطنه. سيدنا جابر قلبه يتقطع. يا رسول الله يا حبيب الله قلبك الحجر على بطنك ازاى من الجوع؟ يروح لمراته يقول لها رأيت ما لا صبر لي عليه. رسول الله ربط على بطنه الحجر من الجوع. عندك ايه ؟ قالت

- 00:11:52

عندنا معزة صغيرة وعندنا شوية شعير. ادبحي واطبخي لرسول الله. قالت له طب وهات الرسول ومعه واحد بس او اتنين. وقال لي هتبقى فضيحة هنعمل ايه ؟ ده ما فيش - 00:12:10

خالص. يروح يقول للنبي عملت لك طعيم يا رسول الله. طعيم. حاجة صغيرة كده مش قد مقامك يا رسول الله. الرسول يبص

للصحابه. احنا جوعنا مع بعض. يبقى ما نيش - 00:12:20

غير مع بعض. يبص للصحابه كأنهم ولاده. ما اقدرش اشبع وانتهم جعانيين. ما ينفعش ما يجليش قلب. ويهتف الرسول في الجيش ان هم يبجوا وراه اه جابر قلبه يتخلع امرأة جابر تلاقي الجيش كله داخل عليها. ايه ده! الرسول يقول لهم لا تضغطوا من ريحة اللحمه

ما تخلصوش - 00:12:30

ترمسوا مع بعض لا تتضاغطوا. ويوحى الرسول يقوم امرأة جابر من على الاكل. يقعد الرسول عند الحلل اللي على النار. رسول الله بايديه يفضل يجيب عيش يحط فيه لحمه ويدي لصحابي صحابي بايديه زي ما هيسقينا على الحوض باذن الله بايديه. في موقف

حنان رهيب وسط وسط - 00:12:50

الرهيبه دهيت وتتم معجزة من معجزات النبي مرة ثانية. الاكل يكفي لالف واحد. الف واحد في صحيح البخاري. الف واحد ويفيض ويهدوا منه كمان. ليه المعجزات دي ورا بعض! لان لسة المرحلة اللي جاية صعبة اوي يا جماعة! يتم الحفر في الخندق! الحفر خلص

خلاص! الخندق بقى رهيب - 00:13:10

واتعمل بالتراب اللي طلع منه ساتر ترابي رهيب من قدامه. الرسول امر الصحابة ان هم يرباطم ورا الساتر ده كل صحابي خد مكانه. ممنوع حد يتحرك. ممنوع حد حد يسيب مكانه حتى لو مات في المكان بتاعه. لغاية دلوقتي اماكن رباط الصحابة معمولة مساجد.

وفجأة يبدأ جيش الكفار يزهر. يبدأ جيش الكفار يوصل - 00:13:30

دلوقتي يا جماعة الصحابة مكانك اهو بالزبط في زهرهم جبل سلع والتراييزة دي هي الخندق والجاي الجيوش جاية من قدام من هنا بقى يبصوا الصحابة الشمال شرقي الوف من غطفان جايين. وراهم الوف من احلاف غطفان. الوف من الشمال الغربي من مشرقي

قريش واحلفهم. ايه ده! العدد - 00:13:50

ده عمرنا ما شفتنا زيه الوف مؤلفة. الوف عشر تلاف بني ادم يا جماعة قدام الصحابة. تخيل! بينا وبينهم اربعة متر ونص. عرض الخندق بينا وبين عشر تلاف مقاتل اربع متر ونص. الصحابة يبصوا ايه المنزر الرهيب ده! واول ما يبجي مشركين يبصوا برضه ايه

المنزر ده - 00:14:10

ده تطور رهيب في صناعة الحرب في الجزيرة العربية. ايه الخندق ده! واياه المساحة الالهية دي! واتحفرت امتي! الناس دي عزمها ايه! الناس دي ما بتيأسش! الناس دي ما بتحش - 00:14:31

ده احنا كنا متوقعين هنجي نلاقي المدينة فاضية وكلهم هربوا وسابوها. الناس دي عزيبتها ايه؟ ويقيم المشركين حصار رهيب.

حوالين المدينة من عشر تلاف جندي ويبدأ محاولات الاقتحام الرهيب عشر تلاف جندي. يعني لو كل الف واحد حاولوا يقتحموا مرة في اليوم يبقى الصحابة مش هيناموا ليل نهار من الرعب - [00:14:41](#)

ويوصل الدرجة ان كل صحابي مرابط في مكانه يتوقع ان خلاص انا هاموت هنا. والصحابة يقولوا خلاص نسانا واطفالنا هيسبى والوقت خلاص. ويبدأ في ناس تظن ان الاسلام هيموت يا جماعة. ويبدأ الصحابة مش قادرين يقوموا من مكانهم يروحوا الخلاء. ده بينهم وبين عشر تلاف واحد اربعة متر ونص - [00:15:01](#)

لأيه هيتحرك فين ؟ كان موقف رهيب. كان موقف مفزع يا جماعة. وبعدين يبدأ الطعن في الظهر. المنافقين العلمانيين اللي ما بيشتغلوش غير في الجو ده فارت المدينة بالنفاق. قام المنافقين يتكلموا جهرا بقى. خلاص الغيوبة اللي كنتم فيها يا اصحاب محمد فوقوا - [00:15:21](#)

خلاص كل حاجة راحت. شوية وهتتدبحوا زي النعاج. نتدبح معكم ليه؟ شوية شباب متحمس وهتاخدوا عاقبتكم. ويبدأ هو يتطور لدرجة رهيبة. التلات الاف واحد اللي كانوا حوالين النبي في اول الغزوة. تلات تلاف مسلم يبدأوا يتسربوا واحد واحد. يبدأوا يتسحبوا واحد واحد - [00:15:41](#)

النبي يبص يلاقي البنيان اللي بقى له تمتاشر سنة بييني فيه. قاعد يقع دور دور. النبي قدام عينيه البنيان اللي بناه بدمه وعرقه بيقع يتسحبوا من التلات الاف يبقوا الفين وخمسمية. الفين الف وخمسمية. الف تسعمية تمنمية سبعمية. الفين وتلتमित واحد يفروا من المعركة - [00:16:01](#)

خمسة وسبعين في المية من قوة الجيش الاسلامي تفر من المعركة. يلاقي الرسول حوالي سبعميت واحد بس. وفي رواية في فتح الباري تلتमित واحد بس بص معلى معلى مين اللي هيسبت للنهاية يا امة محمد هو ده الصادق؟ لو كل خزل الاسلام ربنا مش هيسد دينه. منزر جيش المسلمين - [00:16:21](#)

قاعد يقل وجيش الكفار مع الامدادات قاعد يزيد كان بيشق قلب رسول الله. صلى الله عليه وسلم. الالفين وتلتمية راحوا فين يا رسول الله؟ راحوا يشوفوا بيوتهم راحوا يشوفوا دنيتهم واحنا ما لنا عشان لما يدخل المشركين يلاقونا ما كناش بنقاتل ما يقتلوناش معكم. هربم وراحوا يشوفوا بيوتهم - [00:16:41](#)

ويتطور الموضوع تطور خطير يا جماعة. زلزال يا جماعة كانت غزوة زلزال. يتطور تطور خطير. بمגיע اخبار الى الصحابة. فيه اقتحام نجح مشركي قريش في عمله. نجحوا انهم يقتحموا الخندق يعني ايه ؟ يعني في مكان العشر تلاف هيدخلوا لنا منه ويقوم سيدنا علي ابن ابي طالب. ومعه كاتبة من المسلمين - [00:17:00](#)

يروح يلاقي عمرو ابن وود بطل من ابطال الشرك والعياذ بالله. ومعه مجموعة نجحوا في الاختراق ينقض على عمرو ابن وود ويدور مصارعة رهيب ويعلو التراب وما عادش حد شايف حاجة من الجهتين. وكلهم مستنيين هيحصل ايه. ويسمع الصحابة هتاف سيدنا علي الله اكبر. يعرفوا ان - [00:17:20](#)

عمرو بن وود اتقتل ويجري الصحابة يصدوا هذا. الجانب اللي كان ما اتحفرش بكل هذا العمق. في الخندق ويحصنوه تحصين شديد. بعد ما كانت القلوب انها تتخلع ويزيد الكرب. لما يبجي الخبر ان سعد ابن معاذ واحد من اللاتنين القادة الميدانيين في المعركة. واحد من اكبر رتب الجيش زعيم الانصار - [00:17:40](#)

زعيم الانصار اتصاب بجرح خطير جدا. واصبح والنبي نصب له خيمة في المسجد عشان ينام فيها يمرض. زعيم الانصار يا جماعة. كان خبر رهيب خبر يعني فات من معنويات كثير من الجنود بتوع الاسلام. ويجي الخبر اللي زلزل القلوب. ويجي الخبر اللي يوصل الصورة - [00:18:00](#)

اسود لحزة ويجي الخبر المرعب اللي خلى قلوب الصحابة تتخلع من مكانها. ما كنتش غزوة ده ربنا سماها زلزال وزلزلوا. ربنا زلزال الف ريختر مش هيسبت فيه غير الجبال. ويجي الخبر الرهيب اليهود. يهود بني قريظة. السبعمية واحد اللي احنا حاطينهم على - [00:18:20](#)

الجنوبي في زهرنا. يحموا زهرنا. المكان الوحيد اللي ما بنناش فيه خندق يحمينا. اليهود حرفوا المشركين. وخانوا العهد ميثاق يعني ايه ؟ يعني خلاص احنا الوقتي اتحاصرنا من الشمال والجنوب. يعني ايه ؟ يعني عشر تلاف واحد من قدام و سبعمية من ورا غير الامدادات اللي هتيجي لهم بعد - 00:18:40

كده يعني ايه ؟ يعني نساءنا واطفالنا بقوا في ايد اليهود الوقتي يعني ايه ؟ يعني عاصمة الاسلام هتسقط ؟ يعني المدينة المنورة هتحتل خلاص بقت مسألة وقت ويجي الخبر الاخطر بعد مقلوب الصحابة اتخلعت. اليهود هاجموا حصن النساء في المدينة. وهجموا على بيت النبي عليه الصلاة والسلام. ولكن السيدة صفية - 00:19:00

تتصدى الاجراً يهودي قدر يخترق الحصن وتقتله بعمود خيمة. وتفصل راسه عن جسمه وترمي راسه. يحسبوا ان فيه رجالة بار جوة فيهرب اليهود. كانت ازمة رهيبة يا جماعة كانت مرحلة رهيبة. كانت فترة عصيبة. كان موضوع كان ادخال يا اخواننا اذا نازل ورا بعض. زلازل زلزلوا زلزالا شديدا. ويوصل - 00:19:20

لدرجة رهيبة. في اليوم التلاتين. في اليوم التلاتين في هذه الغزوة الرهيبة. بعد ثلاثين يوم في الليلة التلاتين. خلاص الحيوط عدت متكررة في احتلال المدينة. والاقترحام والرمي بالسهم لا يكف من المشركين. وعشر تلاف واحد واقفين منظرهم مربع - 00:19:44 بينا وبينهم اربعة متر ونص. والصحابة ما حدش منهم قادر يروح الخلاء من الرعب. والرعب اشتد في القلوب والبرد بقى قارص.

والشتا بدأ يهطل بقى رهيب والقلوب والابصار زاغت والقلوب اتخلعت. وصل لدرجة ان الرسول عليه الصلاة والسلام يقول للصحابة في ليلة من ياتيني - 00:20:04

القوم وهو معي في الجنة. معي في الجنة اللي هيسمع الكلام ده يقول يا نهار ابيض! العرض الخطير ده يا ريتني كنت مكانهم. فلم احد ولا واحد قام. ولا واحد قام مع رسول الله صلى الله عليه وسلم. ولا واحد قام يا حبيب الله. بعد كده الصحابة بقوا يقولوا للناس بعد موت - 00:20:24

النبي اوعوا تفتكروا انكم كنتم هتعملوا احسن مننا ايام النبي. ويستدلوا بالليلة ده في الليلة اللي قال لهم معي في الجنة اللي يقوموا ما فيش ولا واحد يقوم كرب ساد يا رب ومعدش فيه امل غير فيك يا رب. ما عدش فينا وصل للنصر غيرك يا رب. ويقوم الرسول عليه الصلاة والسلام يرجع الى الله. ويستغيث - 00:20:44

ويدعي ويقوم الرسول زي ما استغاث في يوم بدر يتوسل الى الله. وبعد ثلاثين يوم من الحصر الرهيب. ثلاثين يوم من الجوع الرهيب. ثلاثين يوم من البرد الرهيب. ثلاثين يوم من الرعب الرهيب. ييجي المعجزة من السماء. ييجي النصر من السماء. ييجي الفرج من عند الله. من عند الله لوحده. ما فيش - 00:21:04

ما فيش بشر تدخل فيه. ربنا نصرنا النبي كان بيقول بعد كده وهزم الاحزاب وحده. يرسل ربنا ريح باردة جدا. جدا ما فيش انسان يقدر حملها تروح على جيش المشركين وما تجيش على جيش المسلمين. كأن يا جماعة زرات الهوا بقت بتحارب معنا. كأن الهوا بقى قنابل زكية - 00:21:24

بتقصف المشركين وما بتقصفش المسلمين. الحصى حارب معنا. والهوا حارب معنا. الله اكبر. الله اكبر على اللي بينصر دين ربنا سبحانه وتعالى ربنا بينصره نصره يخليه اية قدام الدنيا كلها. اللي هيقوم ويشغل لدين ربنا. ربنا هينصره نصره يخليه - 00:21:44 اية قدام البشر كلهم يذهلوا. من نصره ربنا سبحانه وتعالى له الليلة التلاتين يا جماعة. الليلة التلاتين تيجي الرياح الرهيبة. على المشركين ودي من عند الله. ويحصل موقف ثاني رهيب. وبرضه ربنا المعجزة من عند ربنا. ييجي واحد - 00:22:04

اسمه نعيم ابن مسعود للرسول. في الموقف ده اهو في عز الازمة ده يقول له يا رسول الله انا عايز اسلم. اسلم ايه! مين اللي جابك مين اللي جابك يا نعيم يا ابن مسعود؟ مين اللي جابك في الازمة الطاحنة دي ؟ مين اللي جابكم يا يا عقول اوروبا يا اللي بتسلم الوقتي والاسلام والاسلام محارب كل - 00:22:20

الحرب دي مين اللي جابكم يا شباب؟ وفي الف قناة دلوقتية شغالة بتشتتم في رسول الله. مين اللي جابكم يا امة محمد لدين ربنا سبحانه وتعالى؟ ييجي ابن مسعود بمعجزة يقول له قل اسلمت يا رسول الله. الرسول هيحطه معهم في الحصار. قال له خزن عنا ما

استطعت. علاقاته قوية جدا يروح معك - 00:22:37

اليهود يقول لهم خدوا بالكم ايه! مشركي قريش هيمشم ويسيبوكم! محمد هيقتلکم! طب وبعدين! اطلبوا منهم رهائنا عشان ما يسيبكوش! ايوة صح اطلع على المشركين خدوا بالكم ايه! اليهود رجعوا في كلامهم وقالوا لمحمد احنا ندمننا. وهنطلب رهائن منهم نسلمهم لك تقتلهم عشان تضمن ان - 00:22:57

احنا رجعنا مشريكي قريش يبعثوا لليهود انتم اخباركم ايه؟ يقولوا لهم هاتوا لنا رهائن. لازم والا هتمشوا وتسيبونا لوحدا قدام محمد واصحابه المشركين قالوا اليهود خانوا واليهود قالوا المشركين خانوا. صحابي واحد كان من اسباب انهاء حرب كاملة على المسلمين. انت عملت ايه؟ انت دافعت - 00:23:17

الاسلام قد ايه؟ انت قدمت لدين الله ايه؟ يا جماعة انا باقول لكم الكلام الوقتي كل دول ماتوا. الصحابة كلهم ماتوا، نعيم مات والانصار والمهاجرين ماتوا. وفضل هتاف نحن الذين بايعوا محمدا. وفضل اعمالهم وفضل بطولاتهم. كلنا هنموت مش هتقابلوا ربنا غير بالله - 00:23:37

عملتيه لدينك. مش هتقابل ربنا غير باللي عملته لدينك. وبعد كده ثلاثين يوم ابو سفيان يقعد يفكر كل يوم بنأكل عشر تلاف واحد. هنجيب لهم اكل منين وابو سفيان يكرر في لحزة انه هيمشي وكل القبائل تقرر انها هتمشي. بيعت الرسول سيدنا حنظلة يستطلع يلاقي الكفار بيرحلوا. حنظلة يرجع هيموت - 00:23:57

فرحة الكفار بيرحلوا يا رسول الله. الصحابة يصحوا يوميا الفجر. يبصوا بيلاقوا الكفار بيرحلوا قدامهم. يلاقوا الفرسان بيطلعوا على افراسهم وخيولهم والسيوف بتتحط في الغم وما عدش فيه ضرب بالسهم ولا محاولات اقتحام. والخيم بتتفك والامتعة بتتحط على الابل. وخالد بن الوليد وعكرة - 00:24:17

وعمر بن العاص ابو سفيان بيرجعهم. الوف رحيل الوف عشر تلاف واحد بيرحلهم الصحابة بصوا مزهولين. ايه ده! كل ازايا رب ازايا ده! يا رب احنا نايمين مش قادرين من الرعب نروح الخلاء. نصحى نلاقيهم بيمشوا ازايا! يقول - 00:24:37

قدرتك يا رب الفرج بيجي في لحزة للدرجات يا رب. انت تقدر تفرج الكرب في لحزة للدرجة دي يا رب. اصعب غزوة واخطر غزوة تتفرج في لحزة بقدرتك يا رب. الصحابة الصحابة ما صدقوش نفسهم من الفرحة. كانوا بيصرخوا من الفرحة. المدينة ارتجت بالتكبير. ارتجت بالتهليل - 00:24:55

الله اكبر. الاسلام انتصر. جيوش الكفار اتهزمت. المنافقين اترعوا. ما كانوش عارفين يعملوا ايه من الرعب الرهيب اللي هم فيه. اليهود بتوع بني قريظة اللي في الجنوب اللي خانونا ده هيموتهم هيعمل فينا محمد ايه وبعدين كانوا هيموتوا من الرعب اخيرا اخيرا بعد شهر لا لا لا - 00:25:15

بعد شهرين ثلاثين يوم حفر وتلاتين يوم حصار. اخيرا بعد شهرين يكون لصحابي هتروح بيتك. اخيرا بعد شهرين هتشوفوا ولادكم وزوجاتكم يا رسول الله. اخيرا بعد شهرين هتاكلوا اكل مطبوخ. اخيرا بعد شهرين لاول مرة هتناموا على سرير. اخيرا بعد شهرين لاول مرة هتتعرفوا تغتسل - 00:25:35

من التراب اللي عليكم. اخيرا بعد شهرين هتقدروا تروحوا الخلاء من غير خوف ورعب. الصحابة ما كانوش مصدقين نفسهم من الفرحة. الفرحة بالنجاة والفرح نصر الاسلام ويومها نفس اليوم. الصحابة بعد الفجر بقى على النهار اما روحوا بيوتهم. يا دوبك روحوا بيوتهم. قابلوا ولادهم كلوا وناموا - 00:25:55

ساعتين حاجة ما تتزكرش ولا ثلاث ساعات. الضهر يؤزن الصحابة كلهم ييجوا على مسجد رسول الله. صلى الله عليه وسلم الصحابة جايين كل واحد بقى مراته بتطبخ له في البيت بقى. او امه بتطبخ له في البيت او اهله بيطبخوا له. الصحابة كلهم بقى ايه جايين يدوبك هيصلاوا الضهر ويرجعوا. بعد صلاة الضهر - 00:26:15

النبي عليه الصلاة والسلام يجي له واحد من الباب الشرقي. الباب الشرقي للمدينة. النبي عليه الصلاة والسلام يقوم والصحابة كلهم بيتابعوا النبي فيه ايه؟ النبي هيعزمنا على عزومة بمناسبة النصر ولا - 00:26:34

نروح ناكل في بيوتنا وننام وخلص بقى ولا ايه ؟ ده احنا مقتولين من الارهاق. اما تشوف النبي هيعمل ايه. يروح النبي يكلم واحد.

الواحد ده كان جبريل. جبريل يا جماعة وكان - [00:26:44](#)

تيجي للنبي من الباب الشرقي. جبريل يقول له يا محمد ان الملائكة لم تخلع لقمة الحرب يا محمد. كاتبة جبريل والملائكة هتسبقكم

الى بني قريظة قل لاصحابك يطلعوا على بني قريظة. النبي عليه الصلاة والسلام قال لهم ازاى ؟ اقول لهم ازاى ؟ النبي عليه الصلاة

والسلام يرجع لاصحابه اصحابه قاعدين مستنيين - [00:26:54](#)

يا رسول الله ايه عزومة ولا وليمة ولا نعمل ايه ؟ فاذا برسول الله يخبرهم لا يصلين احدكم العصر لبعد ساعتين داهو لا يصلين احدكم

العصر الا في بني قريظة. بني قريظة تاني يا رسول الله دا احنا - [00:27:14](#)

قال له يا رسول الله شهر في الحصار وقبله شهر في الحفر. وقبله شهر في حادثة الافك اللي حطمت اعصابنا. وقبله شهر في غزوة

بني احنا هنموت. قوموا قوموا عشان تجاهدوا خلاص. ما فيش نوم يقوم الصحابة. يقوم الصحابة يا جماعة غزوة حمراء الاسد اللي

زهلنا بها امبارح - [00:27:34](#)

كانت بعد احد باربعة وعشرين ساعة. غزوة بني قريظة كانت بعد غزوة الخندق بتلات ساعات او اربع ساعات. يعني ايه يا رب اديني

ما امشي غير كده عشان تعرفي عشان تعرف. قدر التغيير اللي مطلوب فينا عشان نبقي اهل لنصرة دين الله. يقوم الصحابة تلات تلاف

- [00:27:54](#)

واحد يروحوا يحاصروا بني قريظة خمسة وعشرين يوم بني قريظة عارفين انهم لو اتقبض عليهم هيتقتلوا طبعاً. هي دي لها جزاء

غير القتل. خمسة وعشرين يوم لغاية ما ينزلوا على حكم سعد ابن معاذ يقوم وهو بيموت في ايامه الاخيرة من الجراح اللي اصابته

في غزوة الاحزاب. وكانت آآ يعني اليهود كانوا هيتسبوا في القتل - [00:28:14](#)

للمسلمين كلهم يوم سعد بن معاذ ويحكم على السبعمية يهودي بالقتل. السبعمية يهودي بالقتل يا جماعة واحد يقول السبعمية يتقتل.

ياه يا جماعة سيوف المسلمين لها اخلاق. يا جماعة ده قبلها بشهور لما مكة سرقت او خدت خبيب ابن عدي عشان يقتلوه علقوه -

[00:28:36](#)

على نخلة قبل ما يعلقوها على نخلة خبيب ابن عدي كان محبوس في بيت. يوم تنفيذ حكم الاعداء عليه. خده ادوا له موس عشان

يشيل شعر جسمه عشان يستعد يعني يشيل شعر جسمه يستعد يعني. يحلق شعر العانة يعني. ادوا له موس. فطفل بتاع ابن صاحب

البيت اللي كان محبوس فيه يجري ويقعد على رجليه. والموس في ايديه - [00:28:56](#)

ام الطفل جاية بتبص لقت ابنها على رجل والموس في ايد خبيب ابن عدي. ام الطفل قلبها اتخلع. قال لها اتظنين اني افعل به شيئا

انت تحسبي ان احنا اصحاب محمد بنخون او بنغدر ويسيب لها ابنها. سيوف المسلمين لها اخلاق. اي واحد تاني كان حط الموس على

رقبته وقال لها - [00:29:16](#)

رقبتي تمن رقبة ابنك. رقبتي تمن رقبة ابنك هاتوا لي فرس واجري وانطلق عشان اسلم لكم الطفل دهوت. اي واحد تاني ده حكم

بالاعداء ميت ميت. ايه يا يعني لو خاطر يعني حكم بالاعداء ولكن يرمي ديلها ابنها. سيوف المسلمين لها اخلاق. ولكن السبعمية دول

كان هيدبح المسلمين كلهم بسبب - [00:29:36](#)

ويتنفذ حكم الاعداء في بني قريظة وينزل قول الله سبحانه وتعالى تنزل ايات تخلص الموقف. انا عايزكم يا جماعة تلاحزوا حاجة. يا

جماعة غزوة الاحزاب ما حصلش فيها مبارزق. ما حصلش فيها مبارزة اصلاً - [00:29:56](#)

يعني اخطر غزوة ما فيش فيها مبارزة! يعني ما فيش غزوة! امال الغزوة كانت فين! امال الامتحان كان فين! مش كان امتحان

سيوف! لا! كان امتحان قلوب مين اللي سبك للنهاية؟ هتقفى قدام ربنا في يوم من الايام؟ هتندمي لو بعت قضية دينك في يوم من

ايام حياتك؟ هتقف قدام ربنا هتندم على كل - [00:30:10](#)

كل يوم ما ادتوش لدينك ولنصرة دينك. كان الابتلاء كان الابتلاء للقلوب وينزل قول الله. اذ جاءوكم من فوقكم من المدينة عشر

تلاف ومن اسفل منكم السبعمية بتوع بني قريظة واذا زاعت الابصار من كثر الرعب. الصحابة متوقعين الخطر من اي مكان. وبلغت

اولادنا هيسبوا. نسانا هتسبى هنتقتل. ربنا كان مراقب نترات عينيكم. ربنا كان مراقب عدد نبضات قلوبكم النبي لما زاغت الابصار لجأ لقرة العيون. قعد يصلي عليه الصلاة والسلام هنالك ابتلي المؤمنون. ابتلي البلو من الكشف. كل واحد اتكشف على حقيقته. وزلزلوا زلزالا شديدا. زلزال عشان ما يسبتش غير الجبال - 00:30:50

شديد يعني يشد بعضه الى بعض. الحق يا رسول الله. ده غطفان وقريش جاينين. الحق يا رسول الله دول عشر تلاف. الحق يا رسول الله. الخندق قدروا يعدوه الحق يا رسول الله اليهود خانوا. الحق يا رسول الله بيتك وان ساعتهجم عليهم. الحق يا رسول الله كل شوية الحقوا الحقوا زلزالا شديدا - 00:31:17

واذ اذ قالت طائفة منهم يا اهل يثرب قال لها مش المدينة لأ الاسم القديم خلاص بقى كان موضوع واتفض نرجع للاسم القديم يا اهل سيسري بلا مقام لكم فارجعوا. انتم قاعدين بتعملوا ايه ويستأذن فريق منهم النبي. يقولون ان بيوتنا عورة. يا رسول الله نروح بقى لبيوتنا بقى نشوف حالنا - 00:31:37

يا رسول الله عراق ايه وشيشان ايه وسودان ايه وافغانستان ايه يجيبوا لنا طب ولا هندسة دول يجيبوا العيل من عياله طب ولا هندسة دول يا رسول الله يعملوا لنا ايه ؟ هو لما ولادي هيجوع العراق هتأكلهم ؟ ولا لما حد من عيالي هيعيا جنوب السودان هيعالجهم ؟ ولا لما مصاريف المدارس هتيجي ؟ قضية - 00:31:57

افغانستان هتجيب لهم ولا فلسطين هتيجي تجيب لي كسوة الشتا يا رسول الله. للبيت رب يحميه. للدين رب يحميه. وانا اعمل ايه يا رسول الله؟ الواد اجيب له تمن بنزين العربية منين ؟ عشان ينزل يخمس مع اصحابه. والبنت اللي قاعدة تتكلم طول الليل في المحمول اجيب لها كروت المحمول منين ؟ والولد اللي مجنون - 00:32:17

كورة ادفع له اشتراك قنوات الرياضة منين ؟ والبنت اللي لسة داخله جامعة. اجيب لها فلوس المكياج والفساتين والبناطيل والكوافير يا رسول الله ده احنا فقراء اوي يا رسول الله. ان بيوتنا عورة. عاصمة الاسلام بتسقط وهم بيقلوا ان بيوتنا عورة. يا حلا الخزي اللي - 00:32:37

حصل لهم لما الغزوة انتهت وينزل القرآن يخلد الموقف يا جماعة. يا جماعة مين اللي هيسبت في الآخر؟ لو انت مكانهم هتعمل ايه ؟ الامة دلوقتي في الخندق. مين اللي هينقذ الامة من الخندق - 00:32:57

ايه اللي هي فيه؟ مين اللي هينقذ الامة من الهذا الخندق الرهيب؟ الفرج جه في لحزة. الصحابة ماتوا ماتوا. ولكن فضل نحن الذين بايعوا محمدا نحن الذين بايعوا محمدا على الجهاد ما بقينا ابداء. انت هيفضل منك ايه ؟ هيفضل من حياتك ايه ؟ هتقابله ربنا سبحانه وتعالى - 00:33:10

ايه ؟ ويحصل موقف في غزوة الاحزاب يهتز له عرش الرحمن. ايه ده! النصر ولا ايه ؟ لأ موت واحد. سعد بن معاذ وهو نايم في الخيمة في المسجد النبوي - 00:33:30

وهو بيمرض وكان فيه شريان مكشوف من جسمه يقول يا رب لو كنت كتبت ان ما فيش حرب بين الرسول وقريش اقبضني اليك. اشتقت اليك يا رب تدخل دابة معزة يعني في الخيمة بتاعته تدوس برجليها على الشريان ينفجر دم سعد ابن معاذ. ما فيش حد يدرك غير خيمة بني غفار اللي جنبه. تلاقي - 00:33:42

الدم سايل ومالي المسجد ويموت سعد ابن معاذ. يموت ويهتز عرش الرحمن لموته. وهو بقى له سبع سنين بس مسلم. سبع سنين بس مسلم انت لما تموت هيجصل ايه ؟ اشمعنى اشمعنى سعد ابن معاذ؟ لانه كان مستعد يخسر اي حاجة عشان ربنا. مستعد يضحي باي حاجة عشان ربنا. مستعد يواجه اي حاجة - 00:34:02

ربنا. مستعد يعمل اي حاجة عشان ربنا. مستعد يخسر اي حاجة عشان ربنا. لما وقف قدام قومه ومراته يوم ما اسلم. قال لهم انتم علي حرام ان لم تسلموا هتضحي بالرئاسة والكرسي ومراثك. وعيلتك وقرايبك اضحي بكل حاجة عشانك يا رب. اخسر كل حاجة عشانك. مستعد يواجه اي حاجة - 00:34:22

عشان ربنا لما وقف قدام ابو جهل وعقبة ابن ابي معيط في وسط قريش. بعد الهجرة وقدام اهل مكة. يقول له لو منعني الطواف
لامنعك تجارتك الى الشام كان هيتقتل بسبب الموضوع ده واجهه اي حاجة عشان ربنا. مستعد يضحي يعمل اي حاجة عشان ربنا. لما
قال للرسول يوم غزوة بدر - [00:34:42](#)

والله لو سرت بنا الى برك الغماد لسرنا وراءك. مستعد يضحي باي حاجة عشان ربنا. لما قال للرسول يا رسول الله امض لما شئت وصل
حبال من شئت واقطع حبال من شئت. وسالم من شئت وعادي من شئت. وخذ من اموالنا ما شئت. مستعد يعمل اي حاجة -
[00:35:02](#)

الرسول ملأ حياتهم بروح رهيبة يا جماعة الرسول عليه الصلاة والسلام منزر رجليه بعد القيام كان مولع الحماس في قلوبهم. منزر
الحجر على بطنه كان مولع الحماس في قلوبهم. الرسول ربي واحد - [00:35:22](#)
ابن زايد يتقطع حتت من مسيلمة وما يرضاش يقول احك لنا على النبي. الرسول ربي صحابة عشر تلاف واحد جايين يدبوحهم في
الخندق قاعدين ينشدوا ويغنوا رسول الله صلى الله عليه وسلم. وتربية رسول الله وتربية حبيب الله عليه الصلاة والسلام. يهتز -
[00:35:36](#)

سعد بن معاذ عرش الرحمن يهتز الموت سعد بن معاذ عرش الله. اضخم مخلوق في الكون كله. انا متوقع ان ده بسبب هو فرح الله عز
وجل ده حديس صحيح. انا متوقع ان من فرح الله ملايكة حملة العرش فرحت. العرش اهتز من اهتزاز حملة العرش يا جماعة. يا
جماعة ده موضوع خطير - [00:35:56](#)

ده كلام كبير. كبير هم دول اصحاب رسول الله. هم دول القدوات اللي احنا لازم ندرسها. هم دول القدوات اللي احنا لازم نعيشها. هم
دول. الصحابة في الخندق كل واحد جاب اخره. سلمان الفارسي عنده علم قالوا للرسول عشان يحفروا الخندق به. نعيم ابن مسعود
عنده علاقات سخرها لنصرة الاسلام - [00:36:16](#)

صحاب عندهم قوة سخروها. عبدالله بن عمر كان طفل جه للنبي يبكي في بدر ما رضاش ياخده. يبكي في احد ما رضاش ياخده. جه
يبكي في الخندق خده النبي. حط - [00:36:36](#)

الاطفال حاربوا حتى الاطفال قاموا. عرفتم ليه ربنا اجرى لنا المعجزات؟ عرفتم ليه ايامها؟ الاكل ربنا اجرى المعجزة في الطعام
واجرى المعجزة. في كل حاجة واجرى المعجزة في الرياح. وخلى الحصى يحارب معنا. عرفتم ليه ايامها ربنا كان مالي حياة
المسلمين بالمعجزات؟ لانهم كانوا عاملين كل - [00:36:46](#)

حاجة عشان ربنا. فربنا اداهم من عنده. لانهم قدموا كل اللي عندهم لله. فربنا اداهم من خزائنه سبحانه وتعالى كانت ايام رهيبة.
كانت ايام رهيبة. الاية اللي بتزلزلي في ايات الاحزاب. قول الله ولو دخلت عليهم من اقطارها. لو عاصمة الاسلام دخلوها -
[00:37:06](#)

ثم سلوا الفتنة لاتوها. اقول يا رب يا رب ده نفس سيناريو. دخول امريكا العراق بالزبط يا رب. لما دخلوا العراق ما قتلوش الناس
ولكن لقوام للعراق اللي يشتغلوا لهم جواسيس على المسلمين. لقوا ان العراق اللي يعلموا عريبات المجاهدين علامات الطيارات
تضربها بالصواريخ - [00:37:25](#)

من السما من من السماء لقوا من لقوا من من الشعب. سم سلوا الفتنة. هو ده اللي بيحصل للمسلمين لما الغرب بيدخل بلادنا. الاول
بيشوفوا مين اللي هيبقى معهم وبعد كده يستعينوا بهم على اللي يقفوا في وشهم. سيناريو ما كانش حد يتخيله ساعتها. انا باعتبار
الاية دي من معجزات الاسلام. من المعجزات اللي بتدلنا - [00:37:45](#)

يقينا ان ده علم الله. مش علم محمد زي اللي حصل في الصخرة. قدرة الله مش قدرة محمد ابن عبدالله عليه الصلاة والسلام. ثلاث
غزوات صعبين جدا بدر احد الخندق وما بينهم غزوات كتير قبل بدروا اربع غزوات. ما بين بدر واحد خمس غزوات يا جماعة ده
الموضوع كبير جدا. يا اخوانا انا باكلكم في - [00:38:05](#)

عن الغزوات. لان في مكة كانت بناء دعوة فكنا ماسكين مرحلة مرحلة. انما المدينة بناء دولة. اكلكم عن بناء دولة ازاى؟ فانا باكلكم

عن الاساسية في بناء الدولة. بكمكم عن معالم الجهاد عن غزوات رسول الله. صلى الله عليه وسلم. بالرسول عليه الصلاة والسلام في
النهاية - [00:38:25](#)

يقول للصحابة بعد هذه الغزوة الرهيبة يبشرهم ويفرح قلوبهم ويقول لهم اليوم نغزوهم ولا يغزون خلاص ما عادوش هيبجوا ثاني
ابشرم. مسلسل شوال السانوي ما عادش هيجصل ثاني. ابشروا يا صحابة رسول الله جابوا اخرهم - [00:38:45](#)
احبطم انتهت معنوياتهم انهم يبجوا يعملوا لنا حاجة. اومال هتعمل ايه يا رسول الله؟ كان الرسول بيعد مفاجأة رهيبة. مفاجأة
هتزهل مكة اوعى تزهل العرب كلهم وهتزهل الناس كلها لغاية الوقتي. كان بيعد انه في موسم الحج - [00:39:05](#)
والعرب في مكة هياخد الصحابة وبعد اتناشر شهر. هم مشوا في زو القعدة. زو القعدة اللي بعده بعد اتناشر شهر بعد ما كانت المدينة
متحصرة في زو القاعدة دهو زو القعدة اللي بعده كان الرسول واقف على ابواب مكة. كان هو اللي بيحاصر مكة ازاي؟ ازاي يا رسول
الله؟ ازاي - [00:39:23](#)

الجيش بيتطور بالسرعة دي والحركة الدعوية بتتطور بالسرعة دي. المرة الجاية ان شاء الله. مع النقطة الفاصلة. النقطة الرهيبة في
تاريخ الحركة مع صلح الحديبية مع اول مرة يتم اعتراف رسمي بدولة الاسلام في جزيرة العرب مع الفتح المبين. مع الفتح الرهيبي -
[00:39:43](#)

ولكن قبل الفتح كان فيه مخاطرة رهيبة. كان فيه مخاطرة كان نسبة الموت واحتمال الموت فيها. تقريبا كده لا يقل عن الف في المية.
ولكن الرسول لم يخذ الصحابة ويطلعوا ويخاطروا من اجل دين ربنا سبحانه وتعالى. هنتكلم بكرة ان شاء الله عن صلح الحديبية
بازن الله سبحانه وتعالى يا اخواني بذكركم ثاني الاعتكاف بعد - [00:40:03](#)

يومين بازن الله يلا نلحق يلا نقوم يلا عشان جوار الله. يلا عشان نتغير يا جماعة. اللي ما طلعتش الزكاة يلحق يطلع. اللي اللي فيه لسة
ما عملهاش يلحق يعملها. ياللا يا اخواني عشان نقدر نلحق بركب الصالحين اللي بنتكلم عنهم. ما اشتقتش تبقى معهم في الجنة مش
هتبقى معهم الا لو مشيت في طريقهم - [00:40:23](#)

يلا يا مجاهدين امة محمد الجدد. يلا يا من ستبايعون محمدا بعد الف وربعميت سنة من جديد على الجهاد ما بقينا ابدأ اللهم تب علينا
لنتوب اللهم اللهم تب علينا توبة ترضى بها عنا. اللهم تب علينا توبة نصوحة. اللهم انا تبنا اليك تبنا الى الله - [00:40:43](#)
ورجعنا الى الله وندمنا على ما فعلنا وعاهدناك يا رب على الا نعود الى المعاصي ابدأ. اللهم اجعلنا من الفائزين بليلة القدر. الله اللهم
اجعلنا من الفائزين بليلة القدر. اللهم اجعلنا من الفائزين بليلة القدر. اللهم اعتق رقابنا الليلة من النار. اللهم اعتق رقابنا - [00:41:06](#)
ليلة من النار. اللهم اعتق رقابنا الليلة من النار برحمتك يا ارحم الراحمين. اقول قولي هذا واستغفر الله لي ولكم سبحانك اللهم
وبحمدك اشهد ان لا اله الا انت استغفرك واتوب اليك وجزاكم الله خيرا - [00:41:26](#)
قالوا لي - [00:41:44](#)